



KVAM NÆRINGSRÅD  
Sjusetevegen 27  
5610 ØYSTESE

Dato: 23.11.2017  
Vår ref.: 2017/736-57  
Saksbehandlar: eirkniv  
Dykkar ref.:

## Tilskot til Turskiltprosjektet 2017 (ekstrautlysning) - turstiar i Ålvik

### Tilskot til ekstrautlysning Turskiltprosjektet 2017 – informasjonstavler ved stistart.

Føremålet med Turskiltprosjektet er å bidra til auka og trygg friluftsferdsløse der folk bur og oppheld seg, gjennom ein nasjonal standard for informasjon, skilting og merking av turløyper.

Prosjekt: Turstiar i Ålvik

Prosjekteigar: Kvam næringsråd

Kommune: Kvam

### Handsaming av søknaden:

Den 15. november 2017 handsama Utval for kultur, idrett og regional utvikling fordeling av kr 550 180 etter gjeldande nasjonale retningslinjer til Turskiltprosjektet gjennom ekstrautlysning.

### Vedtak:

De er tildelt 93 000 kr for informasjonstavler ved stistart. **NB. Kun 75% av tilsagnssum vert utbetalt ved oppstart, som tilsvarar kr 70 000.**

### Utbetaling

For utbetaling av tilskot, må de sende ein elektronisk faktura i EHF – format til Hordaland fylkeskommune

Elektronisk fakturaadresse: **9908:938626367**

Aksesspunkt: Visma

75 % av tilsagnsbeløpet kan bli utbetalt innan 2017, så fort tilsagnsmottakar sender EHF – faktura til fylkeskommunen.

Saksnummer: 2017/736

Ressursnummer: 12564

Beløp: kr 70 000

Siste 25 % av tilsagnsbeløpet vert utbetalt på bakgrunn av sluttrapport og rekneskap revidert av eigen revisor. For prosjekt som får tilsagn på over kr 100.000, skal det leggjast fram revisorgodkjent rekneskap i samband med sluttutbetalinga. Minner om at verdien av dugnadsarbeid er sett til kr 300 pr. time.

### Vilkår:

Prosjektet må gjennomførast i samsvar med søknaden. Ei større endring må sendast fylkeskommunen for godkjenning. Dersom planane vert endra utan godkjenning, eller prosjektet ikkje vert slutført innan normert tid kan eventuelle utbetalte midlar krevjast tilbakebetalt.

Minner om følgjande vilkår for tildeling:

- Nasjonal standard for merking og gradering skal nyttast. Denne kan lastast ned frå [www.merkehandboka.no](http://www.merkehandboka.no) eller «Manual – Turskiltprosjektet», [www.turskiltprosjektet.no](http://www.turskiltprosjektet.no)
- Minst ein ansvarleg gjennomfører eit «skilt- og merkekurs» i regi av det nasjonale prosjektet (med mindre tilsvarande kompetanse kan dokumenterast).
- Det må liggja eit lokalt samarbeid til grunn for prosjektet.

- Plan for drift og vedlikehald i minimum ein 10-års periode frå det tidspunkt tiltaket er ferdigstilt.
- Marknadsføringsplan (turkort, publisering, kart, nettstader, media, anna infomateriell).
- Plan for auka bruk (arrangement ved opning, turkort, anna tilrettelegging langs turløypa osv).
- Alle prosjekta må ha skriftleg grunneigaravtalar, og dei skal følgja sluttrapporteringa.

**Midlane skal nyttast til:**

- Skilt, merking og infotavler (inkl. innfestings-materiell / anna festemateriell) samt til informasjon knytta til tavlene
- Turkort

**Vilkår elles:**

Det skal rapporterast undervegs når det vert bede om og tilretteleggje for synfaring ved behov. Prosjektet pliktar å bidra til å evaluere turskiltprosjektet "det skal merkast i heile landet». Gjensidigestiftelsen og fylkeskommunen skal opplystast som finansieringskjelder når det blir informert om prosjektet til media, samarbeidspartnarar eller andre. Ved trykt presentasjon av prosjektet (brosjyrar, nettsider, skilt, infotavler mv.) skal logoane til Hordaland fylkeskommune og Gjensidigestiftelsen vera med.

**Turskiltkurs:**

For å kunne motta midlar er søkjar forplikta til å stille med ein person på kurs, med mindre vedkommande kan dokumentere tilsvarande kompetanse. Om behov ta kontakt med Eirik Knive.

**Rapportering:**

Det skal statusrapporterast på skjema i elektronisk søknadssenter til Miljødirektoratet innan 20.06. 2018 uavhengig av kor langt i arbeidet ein har kome. Sluttrapport skal leverast innan 30.11.2018. Om ikkje sluttrapport føreligg innan fristen kan midlane bli inndregne.

**Klagetilgang og dokumentinnsyn**

I medhald av forvaltningslova § 28 har part eller andre med rettsleg klageinteresse rett til å klage på vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Klagenemnda for Hordaland fylkeskommune er klageinstans. Klaga skal sendast til Hordaland fylkeskommune, Kultur- og idrettsavdelinga, Postboks 7900, 5020 Bergen. Klaga må innehalda opplysningar om kva vedtak det vert klaga over, årsaka til at det vert klaga og kva endringar ein meiner bør gjerast. Som part har de rett til å gjera dykk kjend med dokumenta i saka med dei avgrensingane som går fram av forvaltningslova § 18 og 19. Vi ønskjer lukke til med gjennomføringa av prosjektet. Dersom de har spørsmål til saka ta kontakt med Eirik Knive, tlf: 55 23 91 66 og e-post [eirik.knive@hfk.no](mailto:eirik.knive@hfk.no).

Britt Karen Spjeld  
fylkesidrettssjef

Eirik Knive  
rådgjevar

*Brevet er godkjent elektronisk og har derfor inga underskrift.*